

Un lunari par Pre Toni

E sarà presentade a Visepe di Basilian la publicazion metude adun di **Alida Peverè, Manuela Quaglia e Cristian Liberale**.

» DI CHRISTIAN ROMANINI

Inte glesie parochiâl a Visepe di Basilian, sabide ai 5 di Novembar aes 4 sore sere, al sarà presentât "Il lunari di Pre Toni" pal 2017 dedicât a pre **Antoni Beline**. La publicazion metude adun par cure di **Alida Peverè, Manuela Quaglia e Cristian Liberale**, e sarà la prime des tantis iniziative culturâls che a son in cantîr pal prossim an par ricuardâ il predi, mestri e scritôr a dis agns de muart.

Sfueant i siei scrits, in-siorâts dai bieci disens di artiscj furlans fedêt a cheste iniziative, si gustarà inmò une volte la ricjece e la profunditât dal so pinsir.

Il Lunari, realizât in gracie de generositât di tantis persons che lu puartaran tes lôr cjasis, al sosten, cui contribuîts cjapâts sù cu la vendite, ancje une opare di ben inviate di pre Toni



Il Lunari di Pre Toni 2017

La cuvertine dal lunari dedicât a pre Toni Beline a dis agns de so muart

e puartade indevant dal grup di volontaris "Amici di Udine": fâ poçs di aghe, scuelis e mensis in Benin tes missions des Muinis de Providence.

Dopo de presentazion, fin in Zenâr, si podarà cjarâtlu in glesie a Visepe, te edicule "Curiosità" di Visepe, car-

« La attualitât di ce che al scriveve e reste dute interie, ancje se tantis robis a son cambiadis

tolarie "Cartotecnica" a Cjampfuarmit, bar-edicule "Ogni bene" a Basilian, "Bar Masino" a Mels di Colorêt di Montalban, "Minimarket da Lidia" a Maian, intes glesies de Pléf di Vît (Pordenon).

Pre **Roman Michelot**, plevan di Vilegnove e cun pre Antoni, pont di riferiment di Glesie Furlane par tancj agns, lu ricuarden cun chestis peraulis "A son passâts 10 agns che pre Antoni al polse tal cimier e al vîf te lûs e tal misteri di Diu. Al pâr ir, ma al è passât tant timp. O pensi che la sô pene, la sô analis, la sô olme, i siei scrits a mancjian a tancj di nô. La sô amcizie vere, profonde, lis confidencis, i incuintris ce tant che mi mancjn e nus mancjn. Curant lis publicazions par cont di Glesie Furlane, mi cjati lassâ a lei i siei scrits, a passâju e ripassâju. E o viôt che la attualitât di ce che al scriveve e reste dute interie, ancje se tantis robis a son cambiadis. Di fat ancje se al resonave partint di cualchi fat di cronache, la sô leture, la sô analisi no si fermave al fat in se,

ma e diventave riflession spirituâl, culturâl, etiche. Lant plui in là de situazion contingente e concrete, dal fat datât, lis considerazions, i pinsirs, lis analisis a restin ancjemò veris, par nue scjadudis. Lei ancje vuê i siei scrits nol sarà mai timp pierdût. La sô e reste ancjemò une testemoneance e une peraula vive e sauride che nus nudris drentri. E celebrâ l'anniversari de sô muart nol è dome un fat di memorie, par no dismenteâ, ma une maniere di sintilu vîf midiant i siei scrits. Se si à di fâ un presint a cualchi amie o am, un libri di pre Antoni nol sarà mai un brut regal. Al jude a tigni vive la lenghe furlane e soredut a nudrî la anime".

redazione@lfruli.it

SCOLTADIS DI DRIUS

Vere filosofie

Quand che un al scolte e nol rive a capî ce ch'al dis chel ch'al fevele e chel ch'al fevele nol se ch'al dis, e jè vere filosofie.



I students plui brâfs premiâts de Provincie di Udin

A palaç Belgrât la consegne des borsis di studi a 21 diplomâts cul massiv dai vòts e la laude tal an scolastico 2015-16

Segnâs particulârs: une vore brâfs. A son i 21 diplomâts intal an scolastico 2015-2016 cui ponts di 100/100 cu laude premiâts a palaç Belgrât, dal president de Provincie di Udin, Pietro Fontanini e dal assessôr ae istruzion Beppino Govetto cun ancjantants borsis di studi. 476 euros l'impuart dal assegn destinât a ogni diplomât (14 fantatis e 7 fantats) cul massiv dai vòts e la laude. Presente, stime e un incoraggiament a mantignî cheste impostazion intal percors academic, inte cariere professionâl e inte vite, intal intervist che il president Fontanini al à dedicât ai fantats. "O sês une braure par cheste amministrazion provinciâl e par dute la comunitât furlane - al à declarât il president -. O vês rivât ae eccelence intal studis, une altre conferme dal otîm nivel di preparazion che i zovins a otegnin intes nestris scuelis, un sisteme che al funzion e ven cemût che a confermancj ancje i risultâts di prin ordin che i nestris students a àn vût intes diversis provis e valutazions che



nus metin al stes nivel des scuelis europeanis. Un segnâl impuartant pe nestre tiere che, ancje traviere chesj zovins e brâfs students, e larà indevant a fâsi stimâ". Peraulis di laude ancje de bande dal assessôr Govetto. "Chest premi al vûl valorizâ il risultât dal exam di maturitât ma al è un ricognossiment ancje al impegn profundût intal studis, intal

aprofondiment personâl fat dilunc dai il cuiincueni ben stîmòli e vuiddi di bogns docents e dirigents. Un percors lû che si sês distints cuntun sucès forsit chel plui impuartant par chei che al rivarde i studis fin cumò e che al merete di jessi valorizât e celebrât in cheste sede insemi cu lis vuestris famelis". La consegne des borsis di studi ai students e je stade ancje la ocasion par di grâcias al dirigent scolastic Antonio Colussi (par diviers agns preside dal Istitût Zanon) che al à lassât il mont de scuole pe meretade penson. I 21 premiâts a son: Enrico Bacchetti, Giada Benedetti, Fabio Bronzin, Emanuele Campeotto, Chiara Canciani, Giada Castenetti, Arianna Castenetto, Giorgia Del Piccolo, Federica Della Rossa, Oriana Drosghig, Andrea Freschi, Alice Garlatti, Yoo Yung Lee, Chiara Luccaroni, Marta Mestroni, Isacco Nonino, Giulia Paccagnin, Alessandra Pomella, Alessandra Adeline Prutoanu, Antonio Tagliataela, Martina Tomasiet.